

նուժ է նորա եզրներով շուրջանակի, բացի անկիւնների վարդեակներից, ակների շարուածք ունի մէջէ մէջ բոլորակ և սեղմած քառանկիւնու ձևերով, տեղ տեղ նկատելի են մինչև իսկ նրանց շրջանակները, մի հանգամանք, որ ցոյց է տալիս, թէ մեր խաչի սկզբնականը պէտք է մետաղից ձուլուած լինէր և ակներով զարդարուած. և յիշուելի, պատկերների հազուատի ծալքերը, մազերի գանգուրները, խաչեցեալի զլխի վերայ սաւառնող աղաւնու փետուրները մատնանը շուժ են մի աչգալիսի նախատիպ. Սաչի ձևն էլ սովորական չէ. ուղղահայեաց թեւերը համեմատաբար սովորականից աւելի երկար են հորիզոնականից. ուշագրութեան արժանի է այդ կողմից յատկապէս վերին թեւը, բոմանական կոչուած խաչի նման: Ներքեի թեւի ծալքին նկատելի է կոթի կամ պատուանդանի մնացորդ, որ ցոյց է տալիս, թէ խաչն սկզբնապէս հաստատուած էր պատուանդանի վերայ, և ոչ հազցրած տախտակի մէջ, ինչպէս այժմ. գուցէ եղել է այն մի բոլորաձև բարձրութիւն, որ Գողգոթայի բլուրն էր ներկայացնում:

Աւելի կարեորը խաչից իջեցնելու տեսարանն է իւր յարակից մասերով. կեդրոնը, բնականաբար, խաչեցեալն է, որի աջ թեւը պատուած է արդէն և կախուած Յիսուսի մալմինը գրկած Ֆիգուրի ուսին. խաչի վերայ նկատելի է բեւեռի տեղը: Չախ թեւը տարածուած է խաչի վերայ և բեւեռուած, բայց մի երկրորդ Ֆիգուր ձախով բռնել է Յիսուսի բազուկը, իսկ աջով աքցանը ձգել բեւեռին, դուրս քաշելու համար: Երկու թեւերն էլ արմունկից վերև տաշուած են, իսկ ձախը նաև կարկատուած: Սաչեցեալը մերկ է և երկար սփածանելիքով միայն ծածկուած ամօթանքը: Յիսուս զբլուխը խոնարհել է քիչ զէպի աջ և խաչազարդ նիմբուս ունի. մազերը գանգուրներով իջնում են ուսերի վերայ. այտերն ու ծնոտը ծածկուած կարճ և բոլորակ մորուքով. բեխերը զէպի ցած են իջած, ծնոտի վերայ կիսաշրջան կազմելով. աչքերը փակ են և զէմքը հանգիստ<sup>(1)</sup>: Յիսուսի գիրքը խաչի վերայ նոյնպէս բոլորովին հանգիստ է. մարմինը չի ձգուած և կանգնած է ու-

ղիզ պատուանդանի վերայ, որ ի դէպ, նոյնպէս զարդարուած է ակնաշարքով, ինչպէս խաչի եզրներն էին: Ոսներն ուղղուած են զէպի աջ, իրար կողքի, առանց մեխուելու. չեն երևում նաև արեան հետքեր կողքից կամ ձեռքի բեւեռած տեղերից:

Սաչից իջեցնող Ֆիգուրները, Յովսէփ և Նիկողիմոս, նիմբուս չունին, որ բնորոշ աւանդութիւն է նրանց պատկերագրութեան համար. աջ կողմինը՝ Յովսէփ, ունի հարթ, վերից վար սանտրուած մազեր, իսկ ձախինը՝ Նիկողիմոս՝ գանգուրներով խոպուպիքներ ձակատին իջած. երկուսն էլ կարճ մորուքով և բեխերը ցած իջած զէպի ծրնոտը: Յովսէփ հագել է մինչև ոտները հասնող, բարդ ծալքերով կապայ և ձախ ուսի վերայից ձգել է սոգայ. իսկ Նիկողիմոս ունի միայն զօտեւորած, դարձեալ երկար կապայ, առանց տոգայի, երկուսի բազուկներն էլ հոլանի են և ոտները մերկ. Յովսէփի ձախ ոտքը կոտրած:

Յիսուսի զլխի վերայ իջնում է թեւատարած աղաւնին, իսկ աւելի բարձրից եւրևում է Տիրոջ աջը՝ յունա-հայկական օրհնութեամբ:

Մեր սովորական հասկացողութեան համար տարօրինակ է նախ այն հանգամանքը, որ Քրիստոս խաչուած է ոչ թէ պատժի գործիք ներկայացնող խաչափայտի վերայ, այլ գեղարուեստական որոշ զարգացում ու բնօյթ կրող խաչի, այն էլ, հաւանօրէն, ոսկերչականից այստեղ անցած: Անշուշտ, շատ վաղ ժամանակներից խաչն այլ և այլ ձևակերպութիւններ է ստացած և զարդարանք կրել. Հռոմում Պուդենցիանայի (S. Pudenziana) Բազիլիկայի ափսիղի մոզայիկ խաչը Դ. դարի վերջերի (384-398) գործ է համարուում, զարդարուած գոյնզգոյն քարերով, թէ՛ միջին տարածութիւնը և թէ՛ եզրները<sup>(1)</sup>. Բավեննայի Ս. Ապոլինարի ափսիղի մոզայիկ մեծ խաչը Զ. դարից<sup>(2)</sup>. կամ Հռոմի Ս. Ստեփանոսինը 648 թուից<sup>(3)</sup>, զարդարուն քարերով: Ապա յիշելի է Crux Vaticana, Յուստին Բ. ի նուէրը, իսկական

(1) Kraus. Gesch. der christlichen Kunst. I. գումար պատկեր սկզբում: Kondakow. Ikonographia Iesusa Xrista. 18:

(2) Diehl. Manuel d'art Byzantin. Paris. 1910. 205:

(3) Kondakow. Ikonograph. I. X. 27:

(1) Համեմատելի Մանուէլ Բջնեցու նկարագրութիւնը (Յաւել. 1):